

ЭХТИРОМ ВА ИЗЗАТ УЧУН ТАШАККУР!



Ассалому алайкум, касба уюшма фаоллари, хурматли ўзбекистон касба уюшмалари Федерацияси раҳбарияти!

Ушбу мақтубни гўзал маскан «Сангардак» сўхатгоҳидан ёзганимиз. Уни раҳмат изҳори, дилдаги миннатдорлик туйғуларининг қозғога тўқилгани, дея қабул қилишимизни сўрайдик.

Биз бир гуруҳ меҳнат фахрийлари ўзбекистон касба уюшмалари Федерацияси раҳбариятининг таъаббуси билан Сурхондарёнинг гўзал ва сўлим тоғлари бағрида олмосдек ярақлаб турган «Сангардак» сўхатгоҳида дам олдик. Очиғи, таассуротларимизни сўз билан ифода қилиб беришимиз қийин.

Кўп йиллар мамлакат фаровонлиги, юрт тараққиёти йўлида баҳоли қудрат кўлдик. Келажакка умид билан қарадик. Шукр, буғун орзу-истакларимиз рўёбини кўряптимиз. Эл ардоғида, тинчлик-хотиржамликда умр кечиряптимиз. Аслида меҳр ва эътиборнинг катта-кичиги бўлмайди. Зотан, бир оғиз ишрин сўз ҳам одамнинг кўнглини тоғдек қўтаради. Мана бундай хайрли таъаббус эса биз каби кексаларни ғоят шод этди.

«Сангардак»да дам олаётган нурунийлар юртимизнинг турли ҳудудларидан келишган. Аксарияти оддий инсонлар. Ҳатто орамизда умри давомида мана шундай соғломлаштириш марказларига биринчи марта таъриф буюрганлар кўп. Улар гоҳида вақт, гоҳида маблағ сабаб бундай жойларга кела олмаган. Сўхатгоҳда биз учун яратилган шарт-шароитлар, кўрсатилган хизматлар, ғамхўрлигу меҳрибонликлардан бошимиз кўкка етди.

Тўғриси, олис бир ҳудудда, тоғнинг чўққисидан замон талабларига жавоб берадиган бундай муҳташам иншоот барпо этишининг ўзи бўлмаган бўлса керак? Аҳоли ҳудудидан узоқ, аммо малакали мутахассислар билан таъминланган бу масканда ўтган ҳар бир лаҳзамиз ҳеч қачон ёдимиздан чиқмайди.

Замонавий асбоб-ускуналар билан таъминланган сўхатгоҳда юқори савиядаги муолажалар, мазали таомлар, ҳар кунги маданий-маърифий тадбирлар билан вақт ўтганини ҳам сезмай қолдик. Теннис, баскетбол, шахмат ўйинлари, кўйинги, спорт билан шуғулланиш учун яратилган шароитларни айтмаймишимиз!

Мухтасар айтганда, бизга кўрсатилган эътибор ва эътироф инсонни қадрлашнинг ёрқин кўриниши бўлди. Биз нурунийлар ушбу эзгу ишнинг бошида турган давлатимиз раҳбари ва барча яхши инсонлар, ташкилотчиларга, хусусан, ўзбекистон касба уюшмалари Федерацияси ва унинг раҳбариятига ўз миннатдорлигимиз ҳамда эҳтиромимизни билдирдик.

Бир гуруҳ меҳнат фахрийлари

ТАҲРИРИЯТДАН: ушбу нома таҳририятга бироз мuddат олдин етиб келди. 57 нафар киши имзо чеккан мақтуб жузъий қисқартирилган билан эълон қилинмоқда.



ОСИЁ ЎЙИНЛАРИ ҒОЛИБЛАРИ РАҒБАТЛАНТИРИЛДИ

Хитойнинг Ханчжоу шаҳрида ўтган Осиё ўйинлари барча спортчиларимиз учун ҳам катта сабоқ ва тажриба мактаби бўлди. Баъзида йирик ғалабалар, баъзида бир сония ва бир килограммга фарқ билан бой берилган имкониятларимиз ҳам бўлди. Аммо, нима бўлганда ҳам, ёшларимиз дунё спортчилари орасида Ватанимиз шаънини муносиб ҳимоя қилишди. 45 та давлат иштирокчилари орасида дастлабки бешиқдан ўрин олингани ҳам буни тасдиқлаб турибди.

Ўзбекистон касба уюшмалари Федерацияси Осиё ўйинларида муносиб иштирок этган спортчиларнинг бир гуруҳини рағбатлантирди. Тадбирни Федерация раиси Қудратилла Рафиқов олиб борди ва кириш сўзи билан очди.

— Азиз фарзандларимиз, сизлар энг бахтли, ҳамма билан ҳавасини келтирган авлодсиз, — деди Қ. Рафиқов ёшларимизга қарата. — Барчангиз кўриб, сезиб турибсизлар. Президентимиз Шавкат Мирзиёев доим сизларни қўллаб-қувватлаб келмоқда. Спортга катта

эътибор бермоқда. Зеро, сизлар буни ҳеч қачон унутмаслигингиз ва янада катта марралар сари одимлашингиз зарур. Айни дамда ҳар бирингизни муносиб иштирокингиз билан чин юракдан қўлайимиз ва келгусидagi мусобақаларда, хусусан, Францияда бўлиб ўтадиган Олимпия ўйинларида бундан-да юқори натижаларга эришишимизга тилақдошимиз.

Шундан сўнг Ўзбекистон касба уюшмалари Федерациясига қарашли Республика ихтисослаштирилган комплекс болалар ва ўсмирлар спорт мактабининг 25 нафар Осиё ўйинларида олтин, кумуш ва бронза медалларни қўлга киритган спортчилари ҳамда уларнинг мураббийлари пул мукофоти ва қимматбаҳо эсдалик совғалари билан тақдирланди.

— Қайқанда эшак эшишининг ўзига яраша нозик томонлари бор, — дейди 1000 метрга эшак эшиш бўйича олтин медаль ғолиби, халқаро тоифадаги спорт устаси Нурисломо

Тўхтасин ўғли. — Масалан, шамолга қарши сузадиган бўлиб қолсангиз, бу вазни енгил одамга масофани енгиб ўтишга озми-кўпми халақит беради. Вазни оғир одамга эса, аксинча. Бизда ҳам шундай бўлди, шамол қаршилигига қарши сузимизга тўғри келди. Аввалига бундан бироз чўчидик, аммо ҳамроҳим Шохмурод Холмуродов билан ўзимизни қўлга олиб, астойдил ҳаракат қилдик. Натижада эса биз билан тенгма-тенг сузишган қозоқ биродарларимиздан сонияларга олдин етиб келиб, олтин медаль соҳибига айландик.

Қутлаш маросими якунида спортчилар, уларнинг мураббийлари ва тадбир иштирокчилари сўзга чиқиб, таассуротлари ва самимий изҳорларини баён этишди.

Зебо НАМОЗОВА
«ISHONCH»

Ўзбекистон касба уюшмалари Федерациясида куну тун фаолият кўрсатадиган қисқа рақамли

12 11

«Ишонч телефони», яъни «Call-centerга мамлакатимизнинг турли ҳудудларида, олис ва чекка қишлоқларида яшаётган хотин-қизлар ўз муаммолари бўйича исгалган вақтда мурожаат қилишлари мумкин»

Экранга боқишдан зерикмадингизми?!

«Ishonch» газетасида Анара Маъмуродова бошчилигидаги бир гуруҳ устозларнинг «Маърифат» газетаси, унинг бугуни ва келгуси тақдирига қайғуриб битилган мурожаатини ўқиб, ижтимоий тармоқларда бу борада изҳор қилинган мулоҳазалар билан танишиб, сўнгги сони 6440 нусхада босилган нашр бирров кўз олдимга келди.

Айни чоғда, Андижон вилоятининг бош наشري билан боғлиқ ўйлар, унинг ўтган аср, истиқлол даври бошлари ва бугунги кундаги ададлари борасида мушоҳада қилиб, «Нега шундай бўлди? Нима қилиш керак эди-ю, биз нима қилдик?» каби саволлар пешайвон хорисидек қаршимда тикланди.

Шукрки, бугун мутолаага қайтапмиз. Тўғриси, шунақа деб ўзимизга таскин беришга одатланяптимиз. Барибир, кўпроқ вақтимизни китобдан кўра кафтимиздаги катта-кичик экранларга ажратаётганимиз,

китобга бир боқсак, телефонга ўн қараётганимиз, у келтирган турли хабарларни, ростми-ёлғонми эканига қарамай, очкўзлик ва ташналик билан «истеъмом қилаётганимиз» айти ҳақиқат. Яқинда олий ўқув юртиларидан бирида масъул лавозимда ишлайдиган танишимнинг кабинетига кирганимда, муқаддам хона бўйлаб тартиб билан терилган даврий нашрлар, жавонда зич китоблар ғойиб бўлганига таажжубланганим ва сабабини сўраганимда, у ҳам менга ажабсиниб, «Вақт ўтди, акиси, ҳаммасини манави ердан оляпман!» деб, қаршисидagi замонавий компьютер мониторида ишора қилганди.

Худди шу таълим муассасасида талабаларга китоб сотгани учун бир лавозимдор дўстимиз сал қолса, жиноятчига чиқиб қолаётган, «ёз-ёз»лардан бешиб, қайтиб обуна ва китоб ҳақида гапирмай қўйган эди.

«...Яқинда бир мактаб директори билан суҳбатлашиб қолдим.

— Уқитувчиларга ҳам, ўқувчиларга ҳам китоб сотиб олинган ёки газетга обуна бўлини деёлмайман. Мажбурлашга ўхшаб қолади, кимдир шуни ҳам ёзиб юборса, йўқ жойдан ташвиш орттираман, деди опа



— Аммо ўқийдиганлари ўқияпти...

Бунисига нима дейсиз? Хуллас, жамиятда мутолаа ва обуна ҳақида нотўғри қараш шаклланиб бўлди. «Маърифат» ва бошқа нашрлар ҳам айнан шу янглиш тасаввур «қурбони» бўла-

ётгани аниқ. Бироқ бутун бошли зиёлиларимиз онгли равишда бирлашиб, юзлаб устозлар, талабалар, уларнинг илмий изланишлари, ижодий ишларига беминнат тарғиботчи бўлган, фахрий муаллимлар ибратини элга ёяётган, борини шод, йўғини ёд этишга қаратилган бир газетани наҳотки сақлаб қолишга қодир бўлмасамиз?!

Шундай пайтда «обуна бўл, китоб ол, ўқи», деганини айлаб ижтимоий тармоқда ё бирор блогернинг «ҳимоя»сида оламга жар соладиган гуруҳ ичиди курмакдек айрим муаллимларга қарши бирор сўз айтилмасамиз?!

Бундай чоғларда зиёлиларда тиб-забон, масъулият ва етарлича жасорат бўлмоғи лозим. Индамай ўтираверсак, бор-будимизни бой берамиз.

Мана шу каби мулоҳазалар кузнинг бироз совуқ ҳавоси билан қоршиб юрагимга кирди-ю, оғриққа айланди. Ўзингиз ўйланг, ўқитувчи ўқимаса, билмаса, миллат келажига эртага нима бўлади?!

Ўқитувчи ўқувчисидан билимдонроқ бўлиши, бунинг учун ўқиши, ўқиганда ҳам, соф, миллий, ахлоқий тушунчалар билан йўғрилган нашрларни мутолаа қи-

лиши керак. Ана шунда, юртимиздан бугун номини кўрақ кериб айтадиган қатор даҳоларимиз, қолаверса, ўз даврида собиқ Иттифода ҳам тан олинган ва тажрибаси бутун мамлакатга оммалаштирилган Халқ ўқитувчиси Мамажон Абдурашодовек юзлаб устозлар туриб, аллақайси мамлакатнинг таълим тажрибаси-ю, алифбосидagi такомиллашувга осилмаган бўлармик? Мана шу маънода, «Маърифат»ни сақлаб қолмоғимиз керак.

Нафақат у, бошқа барча нашрларни-да халқ минбарига айлантиришимиз, китоб, газета берадиган озукани ўзгаси беролмаслигини тан олишимиз шарт.

Оддий обунанига билинмас, аммо ўз ишини, фаолиятининг маълум қирра ва жиҳатларини тарғиб қилмоқчи бўлган кўплаб соҳа вакиллари учун роз айтишга турдош нашрнинг (балки, умуман нашр) — минбарнинг йўқлиги бугун яққол аён бўлмоқда. Ташна одамнинг қудуқ излашига менгайман бу ҳолни ўзимча.

Замонавийлик ва тезкорликни пеш қиладиган айрим замондошларим — «илғор фикрли доно»лардан эса сўрагим бор:

— Экранга боқиб зерикмадингизми?!

Икромжон АСЛИЙ



Сўнги йилларда мамлакатимизда барча соҳаларда амалга оширилган кенг қўламли ислохотлар фуқаро авиацияси соҳасини ҳам тубдан янгилаш ва ривожлантиришни тақозо этиб, танлов эркинлиги ҳамда соғлом рақобат муҳитини яратишда хорижий компанияларни жалб этган ҳолда янги корхоналарни барпо этишга кенг йўл очди.

Бундай корхоналарда эса ходимларнинг меҳнат муҳофазасини таъминлаш, ижтимоий-иқтисодий ҳуқуқ ва манфаатларини ҳимоя қилиш учун аввало уларда касба уюшмаларини тузиш лозим бўлади. Шу мақсадда Авиация ходимлари касба уюшмаси Республика кенгаши тизимдаги корхоналарни касба уюшмаларига тўлиқ жалб этиш борасидаги ишларни изчил амалга оширмоқда. Корхона-

ларда раҳбар ва ишчи-ҳодимлар билан муносабатларда аъзолик афзалликлари тушунтириляпти. Саъй-ҳаракатлар натижаси ўлароқ биринчи ярим йилликда соҳадаги янги ташкил этилган корхона, ташкилотларнинг 1665 нафар ходими сафимизга қўшилди. Иккинчи ярим йилликда ҳам ишлар жадаллик билан олиб борилмоқда. Жумладан, Самарқанд шаҳридаги «Air magasanda» МЧЖни ҳам касба уюшмасига жалб этишга эришилди. Натижада, авиация ходимлари касба уюшмаси аъзолари сони яна 300 нафарга ортди. Жорий йилнинг августда ташкиллаштирилган жамият касба

уюшмасининг ҳисобот-сайлов конференциясида кўмита раислигига Шухрат Фатуллаев номзоди бир овоздан маъқулланиб, кўмита ва тафтиш комиссияси аъзолари сайланган бўлса, айти кунларга келиб касба уюшмаси фаолияти қизгин кетмоқда. Шу ўринда қайд этиш лозимки, бундан кейин ҳам бу каби корхоналарни жалб этиш орқали сафимиз кенгайиб бораверди.

Абдувоҳид Юлдашев,
Авиация ходимлари касба уюшмаси Республика кенгаши етакчи мутахассиси

Аъзолик афзалликлари

САФИМИЗ КЕНГАЙМОҚДА



Бухоро вилояти **Тарғибот**
Ўзбекистон касба уюшмалари Федерацияси Бухоро вилояти кенгаши томонидан Президентимиз Шавкат Мирзиёевнинг Бирлашган Миллатлар Ташкилоти Бош Ассамблеясининг 78-сессиясида сўзлаган нутқи мазмун-моҳиятини кенг оммага етказиш мақсадида тарғибот тадбирлари ўтказилмоқда. Бухоро давлат университетиди бўлиб ўтган тадбир ҳам шу мавзуда бўлди.

ТАЪЛИМ ТИЗИМИНИНГ ҚУДРАТЛИ КУЧИ

Унда қайд этилганидек, давлатимиз раҳбари халқаро минбардан туриб ёш авлодни тарбиялаш – Ўзбекистон ўз олдига қўйган стратегик вазифалардан бири эканига алоҳида ургу берди. Президентимизнинг «Биз ҳамма учун очиқ ва сифатли таълимни камбағалликка барҳам бериш, халқ фаровонлигини ошириш ва барқарор иқтисодий ўсишга эришни энг самарали омил, деб биламиз» деган фикрлари таълим соҳаси ходимларини келгусида улғувор вазифалар кутиб турганидан далолатдир. Зотан, халқимизнинг эркин ва фаровон, қудратли янги Ўзбекистонни барпо этиш бўйича хоҳиш-иродасини рўйбга чиқариш, глобал ишлаб чиқаришнинг муҳим бўғинига айланган кучни шакллантириш адолат, қонун устуворлиги хавфсизлик ва барқарорликни кафолатли таъминлашнинг асосий мағои таълим тизимининг қудратли кучга айланганлиги шидир.

Адолат АКРАМОВА,
Ўзбекистон касба уюшмалари Федерацияси Бухоро вилояти кенгаши раиси ўринбосари

«Аёллар дафтари»ни варақлаганда...



МИННАТДОР ЧЕХРАЛАР ҚАРШИСИДА

Ҳаётдан рози аёлнинг кўзи кулиб, юзи яшнаб туради. Оқолтин туманидаги маҳалларда шундай аёлларни учратдик.



— Ишиз эдим. Нимадир қилиш ҳақида бош қотирардим, — дейди «Обод» маҳалласида яшовчи Нодира Низомова. — «Аёллар дафтари» сабаб Халқ банкидан имтиёзли кредит олиб, уйимда хусусий боғча очдим. Ишли бўлдим, яна ўзимга ўхшаган 3 нафар аёлни иш билан таъминладим.
— 5 нафар вояга етмаган қизим бор, — дейди «Қўркам диёр» маҳалласида яшовчи Моҳира Примова. — Турмуш ўртоғим ёзда мавсумий ишда ишлайди, қишда иш бўлмади. Оилавий шароитимизни ўрганиб, «Аёллар дафтари»га рўйхатга олишди. Кўлимдан нима иш келишини сўрашди. Тикиш-бичишдан хабарим борлигини айтдим. Субсидия асосида тикув машинаси беришгандан кейин ҳаётимиз ўзгарди. Ҳозир қизларим ҳам тикувчиликка қизиқиб қолишган, энди оиламизда ҳеч кимнинг бўш вақти йўқ.
Алишер Навоий номидаги маҳаллада яшовчи Нафиса Жўлиеванинг орзулари ушалишида «Аёллар дафтари» қўл келган. Халқ банкининг туман филиали томонидан ажратилган 25 миллион сўмлик имтиёзли кредит ҳисобига тикув машиналари сотиб олган Нафисанинг ҳозир ишлари юришиб кетган. Очган тикувчилик цехида 4 нафар аёлга ҳам иш ўрни яратган.
Муқаддас Раҳматуллаева «Тошкент» маҳалласида яшайди. Анчадан бери соғлиқдан нолиб юрарди. Боз устига, турмуш ўртоғи II гуруҳ ногирони, бир жойда ётиб қолган. Топганлари дори-дармонга кетарди. «Аёллар дафтари» шакллантирилиб, у ҳам рўйхатга олинганида ҳам бирор имтиёзга эришаман, деб ўйлаганди.
— Ҳеч қанча ўтмай мени вилоят шифохонасига бепул даволанишга юборишди, — дейди М.Раҳматуллаева. — Керакли муолажаларни олгач, тетиқлашдим. Биз аёлларга кўрсатилаётган раҳм-раҳимлик учун ҳар қанча миннатдор бўлсак арзийди.
— «Аёллар дафтари» ташкил этилмасдан олдин қайси ҳудудда қандай яшаётган аёллар борлигини, қай бирига ёрдам кераклигини билмасдик, деярли бу йўналишда ишласак эдик. Ҳамма нарса умумий бўларди, мурожаатлар бўйича ишланарди, холос, — дейди Оқолтин тумани ҳокими ўринбосари, Оила ва хотин-қизлар бўлими бошлиғи Нодира Бийматова. — Шу сабаб кўпинча мурожаат қилишга тортинган, муаммосини бартараф этиш лозим бўлган аёллар бир четда қолиб кетарди. Мана шу тизим ташкил этилгандан кейин тумандаги аёллар билан уйма-уй юриб иш олиб берилди.
Натижа билан қизикамиз. Рақамлар тилга кира бошлайди. «Аёллар дафтари»да турган, ижтимоий ҳимояга муҳтож ишсиз 603 нафар хотин-қиздан 559 нафари, яъни 93 фоизининг бандлиги таъминланган. Тадбиркорлик қилиш истагида бўлган 101 нафар эҳтиёжманд хотин-қизга бир миллиард қирқ миллион сўм кредит ажратилган. Боқувчиси бўлмаган эҳтиёжманд 253 нафар, ижтимоий ёрдамга муҳтож I ва II гуруҳ ногиронлиги бўлган, шунингдек, тезкор тиббий муолажага зарурати бўлган эҳтиёжманд 235 аёлга бир марталик моддий ёрдам пули берилган. 129 нафар уй-жойга муҳтож эҳтиёжманд аёлнинг 124 нафарига ижара шартномаси орқали «Аёллар жамғармаси»дан ижара компенсацияси тўлаб берилган. Қарамоғида ногирон фарзанди бўлган 85 нафар эҳтиёжманд аёлнинг барчасига бир марталик моддий ёрдам кўрсатилган. Шу билан бирга, тадбиркорлик билан шуғулланмоқчи бўлган аёлларнинг бошқа вилоятларга бориб тажриба ўрганишларига шароит яратилган. Ўзбекистон касба уюшмалари Федерацияси Сирдарё вилояти кенгаши аёлларнинг тарихий шаҳарларга саёҳатларини уюштирган.
Кўриб турганимиздек, «Аёллар дафтари» сабаб ижтимоий ҳимояга муҳтож хотин-қизлар учун эътиборга молик ташаббус ва лойиҳалар ҳаётга татбиқ этилмоқда. Уларнинг дарду ташвишларига ечим топилмоқда. Бу эса жамиятда соғлом муҳит барқарорлаштиришга, оилаларнинг янада фаровон яшашига замин яратмоқда.

Муяссар ПАРДАЕВА



«Атауба» овул фуқаролар йиғини Тўртқўл тумани марказидан анча олисда жойлашган. Овул одамлари жуда аҳил. Мен маҳалла фаолиман. Шу сабаб одамларнинг турмуши билан қизикаман. Хотин-қизларнинг аҳволидан доимо хабардор бўлишга, уларнинг дарду ташвишларини эшитишга, имкон даражасида кўмак кўрсатишга ҳаракат қиламан.

ОВУЛ АҲЛИ ШОД

Айтиш жоизки, «Аёллар дафтари» ташкил этилгач, бу борадаги ишлар тизими касб этди. Мана оддий мисол. 2022 йилда қишлоқда «Аёллар дафтари»га 42 нафар аёл-қиз киритилди. Шундан беш нафарига тикув машинаси ажратилди. 4 нафарига печ берилди. 6 нафари кредит олди. 18 нафарига кооперация бўйича қўй берилди. 7 нафар аёл касб-ҳунарга ўқитилган бўлса, 18 нафар аёл-қизимиз 35-болалар боғчасига доимий ишга жойлаштирилди.

Бундан аёллар жуда хурсанд бўлишди. Айниқса, оиласининг шодлигини айтмайсизми?! Овулда хунармандчиликка қизикувчилар кўп. Салгина ёрдам бериб юборсангиз, иши ўнглаб кетади. Лочин Дурдибоева ҳам шундай аёллар сирасига қиради. Уни «Аёллар дафтари»га киритиб ишининг ривожига кўмаклашилди, натижада, хунармандлар уюшмасига аъзо бўлиб, 20 нафар қизни ўқитди.

Абадон Ражапова туркман гиламларини яхшигина тўқишни билади. Бу аёлга ҳам субсидия асосида гилам тўқиш учун маблағ ажратилди. Ҳозир у 20 нафар қизга гилам тўқишни ўргатмоқда.

Гулишрин Нурматова 15 миллион сўм кредит олиб, пиширик цехи очди. Турли ўлчамдаги торлар, ширинчиқлар пишириб тўйларга, туғилган кунларга буюртма олади. «Аёллар дафтари»даги битта қизни иш билан таъминлади.

Меҳрибон Қақаева 8 миллион сўмлик кредит олиб, «Атауба ниҳоллари» кичик корхонасини очиб, ниҳол етиштиришни йўлга қўйди. Моҳим Тоғановага эса субсидия асосида жўжа учун инкубатор олиб берилди. Дилором Жабборов ва ҳам субсидия ҳисобидан тикув машинаси олиб берилди. Унинг тиккан қўйлак ва нимчалари барчага манзур бўлмоқда.

Овулнинг оқида аёллари Ўғилқурбон Матқиличева, Раъно Муҳаммадбердиева, Ўғилжон Холлиева, Ўғилгул Саидовалар нафақада бўлишларига қарамай, бир нафас ҳам тинч ўтиришмайди. Уларнинг меҳнати ёшларга ўрнак.

Хуллас, овулимизнинг танти, соддадил, меҳнатқаш инсонлари оддийликдан қомиллик яратишяпти. Уларга бу жараёнда «Аёллар дафтари» кўмакчи бўлаётганини эса мамнулик билан эътироф этишмоқда.

Гурбангул ЯГМУРОВА,

Тўртқўл туманидаги «Атауба» овул фуқаролар йиғини хотин-қизлар фаоли



Аёл матонати олдида, ҳатто, тоғлар бош эгади, дейишади. Шаҳрисабз тумани «Чоршанбе» маҳалласида яшовчи Дилноза Саъдуллаева тимсолида ҳам бу иборанинг қанчалик топиб айтилганини кўриш мумкин.

МУҚАДДАС ҚЎРҒОНГА ДАРЗ КЕТМАСИН

У, неча йилки, икки ногиронга меҳр кўрсатиб, парварииш қилаётир. Қизи Ирода ақлий ва нутқидаги нуқсонлари сабаб мактаб сабогини уйда олмақда. Қайсинглиси Умида эса болаликдан юрломайди. Дилноза кун бўйи улар атрофида парвона. Аёлнинг қўли гул. Вақт топиб, экинларига ҳам қарайди. Мева-сабзавот етиштириб, бозорга чиқаради. «Аёллар дафтари» шарофати билан яқинда қайсинглиси Умидага ногиронлик аравачаси берилди. Дилнозага уйда касаначилик билан шуғулланиши учун имтиёзли кредит асосида тикув машинаси олиш тавсия этилди. Қолаверса, оилага «Саховат ва кўмак» жамғармаси томонидан моддий ёрдам ҳам ажратилди.

Шу маҳаллада яшовчи, ногирон фарзанд тарбиялаётган Севара Пардаева эса «Аёллар дафтари» шарофати билан алоқа бўлимига ишга жойлашди.

Умида Асронованинг қизи Диёра «Аёллар дафтари» тўққиз йиллик дарддан қутилди. Юрак касаллигидан азият чекиб келаётган қиз Республика ихтисослаштирилган илмий-амалий тиббиёт марказида «операция» қилиниб, бутунлай шифо топди. Дилора Мирзаеванинг ҳам

ногирон фарзанди бор. Юртирмида хотин-қизларга жорий этилган имтиёзлар унинг оиласига қувонч бахш этди. Яъни маҳалла томонидан берилган тавсияномага кўра, қизи Фарангиз Аббасова Самарқанд

май қолди. Эридаги бу дард аёлни ҳам бутунлай тушунликка туширди. Давлат томонидан ногиронлик аравачаси берилиши эса маҳзун дилларда бироз бўлса-да, умид ва ишонч туйғуларини ўйғотди. Ҳаётга қарши ўзгарди.

«Чоршанбе» маҳалласида ўзига хос анъаналар мавжуд. Масалан, яқинда маҳалла масъуллари ташаббуси билан уюштирилди. Унда жорий йилда олий ўқув юрталари талабалика қаҳарли қилинган маҳалла ёшларидан 23 нафарига китоблар жамланмаси тақдим этилди. Шунингдек, маҳалла хотин-қизлар фаоли Дилобар Акбарова саъй-ҳаракатлари билан ҳудуддаги 30-ва 75-мактаблар ўқувчилари ўртасида жиноятчиликнинг олдини олиш, эрта турмуш қуришнинг салбий оқибатлари ҳақида давра суҳбати ташкил қилинди.

Ҳа, оила – муқаддас қўрғон. Уни асраб-авайлаганларга бахт ўз эшигини очишини ҳаёт неча-неча бор тасдиқдан ўтказган.

Акмал АБДИЕВ
«ISHONCH»

